



Publicaziuns dalla vischnaunca, jamna 52

Damondas da baghegiar

2018-1033.000

Datum dalla publicaziun: 28 da december

Il patrun: Quaterfegl SA, Adlerweg 5, 7000 Cuera
Il representant: Büsser AG, Generalunternehmung &Architektur, Dahliastrasse 5, 7000 Cuera
Object: Surbaghegiada sin parcella 680 (anteriur «Hotel Cucagna»),
Via Alpsu 10, 7180 Disentis/Mustér; midada da diever d'anteriuras surfatschas da hotel (actualmein habitaziuns primaras cun restricziun da diever tenor art. 7 al. 1 lit. a ZWG) sebasond sin art. 8 al. 4 ZWG en habitaziuns senza restricziun da diever

2018-1058.000

Datum dalla publicaziun: 28 da december

Il patrun: Daniel Manetsch-Decurtins, Via da Scola 20, 7180 Disentis/Mustér
Il representant: Daniel Manetsch-Decurtins, Via da Scola 20, 7180 Disentis/Mustér
Object: Dislocar la tualetta, naven dil clavau tier la tegia da mises ed engrondir la surfatscha da habitar dalla tegia da mises, baghetg nr. 726A sin parcella 2358 a Caischavedra Dado, 7180 Disentis/Mustér

2018-1066.000

Datum dalla publicaziun: 28 da december

Il patrun: Vischnaunca Disentis/Mustér, Via Cons 2, 7180 Disentis/Mustér
Il representant: Vischnaunca Disentis/Mustér, Via Cons 2, 7180 Disentis/Mustér
Object: Spazzar il suttetg existent e construcziun nova d'ina remisa sin parcella 909, Via Sogn Placi, 7180 Disentis/Mustér

Protestas

Ils plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da december 2018

Uffeci da baghegiar Disentis/Mustér

Suprastonza communal

Repartiziun dils departaments pils onns 2019/20

Suenter l'elecziun da gerau Wendelin Jacomet sco successur da gerau Iso Mazzetta ei la suprastonza communal seconstituida pils onns d'uffeci 2019/20 e ha repartiù suandontamein ils departaments:

Robert Cajacob, president communal

Administraziun, finanzas ed economia

- administraziun/finanzas
- cudisch funsil
- survetsch polizial
- survigilanza giuridica
- turissem
- economia
- persunal

Clemens Berther, vicepresidente communal

Forestalessar ed agricultura

- menaschi tecnic (lurvatori communal)
- forestalessar
- vias forestalas e funsilas
- agricultura
- meglieraziuns
- Center da sport e cultura



Victor Flepp, genau

Ambient e segirtad

- provediment e purificaziun dallas auas
- dismessa da rumians e cadavers
- deponias ed explotaziun da glera
- santeri
- pumpiers
- polizia da fiug
- militar
- protecziun civila

Wendelin Jacomet, genau

Baghegiar ed infrastruttura

- uffeci da baghegiar
- vias, illuminaziun publica
- punts e rempars
- traffic
- edificis communalas

Jris Lombris, genaua

Sanadad, scolaziun, cultura e sport

- Center da sanadad Puntreis
- Spital regional Surselva
- tgira ambulonta
- ovras socialas
- Seniors-Ca
- scolas
- formaziun professiunala
- temps liber
- cultura
- sport

Administraziun communal

Reducziun individuala dallas premias dalla cassa da malsauns 2018

Persunas e famiglias che vivan en relaziuns economicas mudestas san, risguardond certas premissas, dumandar contribuziuns vid las premias dall'assicuranza da basa obligatoria per la tgira da malsauns (LAM). Persunas che han uonn aunc buca fatg diever da quei dretg, san far quei entochen **la fin digl onn 2018 (davos termin, datum dil bul da posta 28-12-2018)**. Informaziuns, basa legala, muossavia ed il formular d'annunzia ein d'anflar sin la pagina d'internet www.sva.gr.ch. Ils formulars san era vegnir retratgs tier l'administraziun communal.

Per damondas stat il personal dall'administraziun communal bugen a disposiziun.

Administraziun communal

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da **Silvester/Daniev sonda, ils 29 da december 2018**, naven dallas 16.00 en halla Cons. Igl aperitiv vegn offerius cun sustegn dalla vischnaunca. Nus selegrein sin stedia participaziun ed in interessant ed inspiront scomi da meinis.

*Cuminonza d'interess da proprietaris da habitaziuns secundaras Interessengemeinschaft
Zweitwohnungseigentümer Disentis*



Controlla da habitonts

Directivas

Sebasond sin art. 13 entochen 17 dalla lescha cantunala davart ils registers da habitontas e habitonts e davart ulteriurs registers da personas e d'objects, supplichein nus da risguardar suandontas prescripziuns:

Obligaziun d'annunzia/deponer las scartiras

Tgi che pren domicil en nossa vischnaunca, ha d'annunziar si'arrivada enteifer 14 dis tier la controlla da habitonts Disentis/Mustér. Per l'annunzia ei da deponer il scret da patria ni en cass motivai sco dimorant durent la jamna in attest da domicil. Per personas ch'ei buca da naziunalitad svizra ein il passaport ni la carta d'identitad, ina confirmaziun dalla cassa da malsauns svizra e sche gia avon maun, la lubientscha da jasters, necessaris.

Partenza/midadas d'adresses

Persunas che bandunan nossa vischnaunca ein obligadas d'annunziar lur partenza ordavon cun retrer lur scartiras tier l'administraziun communal. El medem mument ei la retschevida dallas scartiras da returnar. Midadas d'adresa enteifer la vischnaunca ein d'annunziar all'administraziun communal enteifer 14 dis. Questa obligaziun d'annunzia vala era per midar adresa enteifer il medem edifeci.

Locataris

Locataris da habitaziuns e casas ein obligai d'annunziar mintg'arrivada ni partenza d'affittaders enteifer 14 dis all'administraziun communal.

Commerci

Tgi che arva ni siara ina fatschenta ni in menaschi commercial ei obligaus d'annunziar quei fatg enteifer 14 dis all'administraziun communal.

Lubientscha da jasters

Persunas digl exteriur ston inoltrar ad uras all'administraziun communal la damonda da prolungir la lubientscha da dimora.

Formulars

Differents formulars per far las annunzias alla controlla da habitonts anfleis Vus sin nossa pagina d'internet [www.disentis.ch/Downloads/Spurtegl_virtual/Controlla da habitonts](http://www.disentis.ch/Downloads/Spurtegl_virtual/Controlla_da_habitonts).

Bien engraziament per Vossa cooperaziun.

Administraziun communal

Vischinadi Vitg

Radunonza extraordinaria dil vischinadi **ils 7-1-2019** allas 20.15 en sala da seduta en casa communal. Tractandas: propostas per il cussegl da vischnaunca. A stedia participaziun envida la suprastonza vischinada vitg.

Invitaziun Seniors-Ca

Gievgia, ils 10 da schaner 2019 allas 13.45 ella Puntreis. Senioras/seniors e la musica cun Simon Camartin.

Meisa da miezdi organisada da Seniors-Ca e Puntreis

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

Post d'informaziun Seniors-Ca
